



**FAKULTET
POLITIČKIH
NAUKA**

A Skenderija 72, 71000 Sarajevo, BiH

M dekanat@fpn.unsa.ba

W www.fpn.unsa.ba

T +387 33 203 562

F +387 33 666 884

Sarajevo, 27.05.2020. godine

Na osnovu člana 8. Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala („Službene novine Kantona Sarajevo“ broj 9/19), Odluke o imenovanju članova Komisije br. 01-3-467-1/20 od 14.05.2020.godine, Komisija za provođenje javnog konkursa (u nastavku: Komisija) donosi

**POSLOVNIK O RADU KOMISIJE ZA PROVOĐENJE JAVNOG KONKURSA
za prijem u radni odnos na radno mjesto
Viši stručni saradnik u dekanatu**

Član 1.

Ovim Poslovnikom uređuje se način rada i odlučivanja Komisije za provođenje javnog konkursa za izbor kandidata na upražnjeno radno mjesto: Viši stručni saradnik u dekanatu.

Rad Komisije zasniva se na načelima zakonitosti, nezavisnosti, nepristrasnosti i javnosti.

Član 2.

Komisija je sastavljena od 3 (tri) člana u sljedećem sastavu:

- Prof.dr. Damir Kapidžić - predsjednik;
- Prof. dr. Elmir Sadiković-član;
- Prof.dr. Sanela Bašić - član;

Prof.dr. Mirza Emirhafizović - zamjenski član;

Aida Sarajlić Ovčina, MA sekretar Komisije.

(prof.dr. Mirza Emirhafizović - zamjenski član za predsjednika Komisije, ili nekog drugog člana Komisije u slučaju naknadne pojave sukoba interesa);

Administrativno-tehničke i pravne poslove za Komisiju obavlja sekretar Komisije Aida Sarajlić Ovčina, MA.

Članovi Komisije dužni su odmah ili najkasnije dva dana od dana saznanja za razloge izuzeća zatražiti izuzeće u Komisiji, ukoliko je srodnik nekog od prijavljenih kandidata u pravoj ili pobočnoj liniji do četvrtog stepena i u tazbinskoj liniji do drugog stepena.

Član 3.

Komisija radi u punom sastavu, a obavezno radi u punom sastavu u provođenju pismene provjere i intervjua. Sastanci Komisije će se održavati na zahtjev predsjednika Komisije. O svom radu Komisija vodi zapisnik koji potpisuju svi članovi Komisije. Komisija glasa prostom većinom.

Član 4.

Komisija će održati konstituirajući sastanak, gdje će u prisustvu supervizora biti izvršeno usvajanje ovoga Poslovnika o radu Komisije, te će se po završetku sastanka Poslovnik dostaviti dekanu Fakultetu i objaviti na web stranici Fakulteta www.fpn.unsa.ba.

Član 5.

Predsjednik Komisije će sazvati sastanak nakon isteka roka za dostavljanje prijava, na kojem će definisati sljedeće:

1. Pitanja i zadatke za pismeni ispit;
2. Pitanja za intervju (usmeni dio ispita), a ostavlja se mogućnost članovima komisije da na ispitu definiraju dodatna potpitanja.

Član 6.

Pismeni ispit će se sastojati od ukupno 10 (deset) pitanja od kojih će se svako bodovati sa 6 (šest) bodova. Praktični test će sadržavati 3 (tri) pitanja i svako će se bodovati sa maksimalno 10 (deset) bodova, a usmeni ispit (intervju) 2 (dva) pitanja i svako će se bodovati sa 5 (pet) bodova.

Maksimalan broj bodova koje je moguće osvojiti na pismenom ispitu je 60 (šezdeset) bodova, na praktičnom ispitu 30 (trideset) dok je maksimalan broj bodova koje je moguće osvojiti na usmenom ispitu 10 (deset) bodova. Ukupan broj bodova koje je moguće osvojiti je 100 (stotinu).

Član 7.

Oblasti iz kojih će se kandidati testirati su: Zakon o visokom obrazovanju Kantona Sarajevo („Službene novine KS“ br.33/17), Statut Univerziteta u Sarajevu (br. 01-1093-2/18 od 28.11.2018.godine), Pravilnik o kancelarijskom poslovanju u Federaciji Bosne i Hercegovine ("Službene novine FBiH" broj: 73/19), Pravilnik o unutrašnjoj organizaciji i sistematizaciji radnih mjesta Fakulteta političkih nauka (dostupan na <http://fpn.unsa.ba/b/wp-content/uploads/2019/05/Pravilnik-o-unutrasnjoj-organizaciji-i-sistematizaciji-Copy.pdf>), te pitanja iz oblasti poslovnog komuniciranja te rada Fakulteta.

Član 8.

Nakon usvajanja liste pitanja, Komisija će pregledati sve prijave i dostavljene dokaze, nakon čega će sastaviti spisak kandidata među kojima će se provoditi izborni postupak i spisak kandidata čije se prijave odbacuju/odbijaju.

Član 9.

O datumu, vremenu i mjestu polaganja pismenog ispita, kandidati će biti obavješteni putem web stranice www.fpn.unsa.ba.

Obavijest iz stava 1. ovog člana objavit će predsjednik Komisije, te će navedenu obavijest poslati kandidatima na adresu navedenu u prijavi.

Između dana objave termina i samog termina polaganja pismenog ispita mora biti najmanje 5(pet) radnih dana.

Kandidati čija prijava bude odbačena/odbijena, bit će pismeno obavješteni, sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju u roku od tri dana od dana prijema obavjesti.

Član 10.

Pismenom ispitu prisustvuju svi članovi Komisije, zajedno sa sekretarom Komisije.

Nakon završetka pismenog ispita Komisija nastavlja zasjedanje na zatvorenom sastanku gdje vrši pregledavanje ispita svih kandidata kao i bodovanje.

Nakon izvršenog pregleda i bodovanja Komisija sačinjava prvu Listu kandidata.

Član 11.

Predsjednik Komisije nakon sačinjavanja prve Liste kandidata, obavještava sve kandidate s Liste o terminu intervjua, koji provode svi članovi Komisije.

Član 12.

Odmah nakon završenog intervjua Komisija nastavlja zasjedanje na zatvorenom sastanku gdje vrši bodovanje sa intervjua, nakon čega se sastavlja konačna Lista uspješnih kandidata.

Član 13.

Komisija dostavlja konačnu Listu uspješnih kandidata dekanu Fakulteta sa prijedlogom kandidata za prijem u radni odnos koju potpisuju svi članovi komisije.

Član 14.

Nakon izbora najuspješnijeg kandidata, predsjednik Komisije obavještava ostale kandidate o izboru te prilažu Listu uspješnih kandidata uz obavijest u roku od pet dana od dana donošenja iste.

Na obavijest o prijemu u radni odnos, zainteresirani kandidat ima mogućnost prigovora Vijeću Fakulteta u roku od osam dana, od prijema obavijesti. Vijeće Fakulteta rješava prigovor u roku od 15 (petnaest) dana. Odluka Vijeća je konačna i protiv iste nezadovoljni kandidat može podnijeti tužbu nadležnom sudu u roku od 30 (trideset) dana.

Predsjednik Komisije



Prof.dr. Damir Kapidžić

Broj:01-3- 584 -1/20
Sarajevo, 27.05.2020.g.

M.P.



DEKAN


Prof.dr. Sead Turčalo

Dostaviti:

- a/a;
- www.fpn.unsa.ba